



12157

唐柳先生集卷之三十七

表

禮部為百官上尊號表

臣某言伏以聖王之纂承天位也臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏蠻貊巍巍大稱其可廢乎臣等誠懼誠望頓首頓首伏惟皇帝陛下叶周文之孝德齊大禹之約身弘帝堯之法天過殷湯之解網未逾周月四海將至於時雍甫及元正率土更欣於再造然神人之願億兆之情有所不安率謂未

柳文

三十七卷

一

盡善者以為帝德廣運而尊號猶闕郊廟備禮而祝嘏無辭嘏古雅切凡百兢懷華夷屬望臣謹按昔臯陶之

頌舜伊尹之頌湯皆臣子至公面揚君父以敷於當代以播於無窮夫豈飾哉率由事實帝王尊號蓋漸於此皇家光被四表祖宗列文時當太和尊號表德耳目所接簡牘斯存稽之於前典則如彼考之於聖朝又如此今龜筮習吉元正戒期當品物惟新之時乃皇王大禮之日陛下郊天地饗宗祧他周切陰陽

遠祖廟

陰陽

協和動植交暢不建至尊之稱恐違列聖之心所以

臣等冒死陳聞請上徽號伏惟陛下小謙讓之節安





延企之情特詔名儒禮官百寮庶尹詳明故實議崇  
聖德則人望允厭神心獲安山川效靈光贊無疆之  
壽祝史陳言一作信字永彰不朽之功臣等蒙國寵榮備  
位班列無任懇望之至

### 第二表

臣某等言臣等再陳丹懇請獻鴻名天心未從隕越  
無措臣某誠惶誠恐頓首頓首謹按堯曰咨爾舜舜  
曰格爾禹湯曰吾自甚武自號曰武王出史記商紀則堯

舜禹湯皆當時王者之號也考皇帝之故實徵往聖  
之憲章允協禮經煥乎圖謀伏惟皇帝陛下允恭克

柳文

三十七卷

二

讓約已謙尊參天兩地之功爲而不有安上理人之  
德置而不論至心王言非群下所仰望也然臣等伏  
以爲尊號者所以類上帝饗祖宗萬人所稱百蠻所  
仰表聖德於率土播天聲於無疆臣下請之之謂禮  
帝王承之之謂孝孝大於讓禮先於謙百王不刊之  
典安可得而廢也臣等又以春秋本於五始元者一  
歲之首春者四時之首王者受命之首正月者政教  
之首郊天大禮者立極之首今天地交泰俯臨元辰  
正始之美正當其運陛下確違群願固守謙冲此臣  
等所以兢惕失圖惴惶無措上冒嚴憲敢逃厚責伏

乞俯垂天聽察納微誠詔禮官議臣所謂揆日推禮  
度奉鴻休盡敬於此猶恐天光未照三獻無徵彷徨  
闕庭伏待斧鑕職日切無任聳望之至

尊號昔者所無有蓋自唐高宗始稱天皇中宗稱應天至明皇遂有開元聖文神武之號自是以為法肅宗即位次年正月遂加冊號代宗即位次年七月群臣遂上尊號至憲宗立於永正元年八月禮部百官當復遵此議公是時尙為禮部員外郎故預作此表然公是年九月黜為邠州刺史繼貶永州司馬至元和三年憲宗方上尊號

### 禮部賀冊尊號表

元和十四年作宗元時為柳州刺史當題云柳州賀冊尊號表

臣某伏奉月日制陛下膺受尊號率土臣子慶抃無

柳文 三十七卷

窮臣聞立極之大四海無以報神功配天之尊萬物不能崇聖德唯有徽號是彰中興所以上探天心下極人欲中謝伏惟元和聖文神武法天應道皇帝陛下統承千載光被六幽蝨賊盡除福應皆集有首有趾咸識太平勲臣增爵祿之榮戎士加賞延之寵片善必錄微功盡昇獨惟聖暮事絕酬荅萬國缺望缺古切又窺又窺百工怨思是以啓元和之盛典延昊穹之景祚睡切理歷凝命寔曰聖文和衆定功時惟神武運行有法天之用變化乃應道之方鬼神協謀夷夏同志大禮既建鴻恩遂行歡呼遠而於九圍而即匣字滲漉普周於



八裔

滂所禁切又所錦切  
漉音鹿謂潤澤下究

慶超邃古美冠將來臣獲

守蠻荒遠承大典潢汚比陋河清幸遂於千年塵壤

坳微山呼願同於萬歲無任慶賀屏營之至

屏步  
丁切

為京兆府請復尊號表三首

德宗時宗元為  
藍田尉作

臣某言某月日諸縣耆老某等若干人詣臣陳狀辭

意迫切以陛下尊號未復請詣闕上表者人心已鬱

安可久違天意實勤諒難固拒撫狀感悅深契微誠

臣某誠懇誠迫頓首頓首伏惟皇帝陛下聖神之功

貫於天地文武之道超乎古今

德宗建中元年群臣  
上尊號曰聖文神武

皇帝興元元年詔中外書  
奏不得言聖文神武之號

盛德愈大而謙光益深玄

柳文

三十七卷

四

化已成而徽號未復遂使神祇缺望人庶怨思沐浴

鴻澤者敢懷晷刻之安捧戴皇恩者不知寢食之適

負愧懷憤萬方一心日日以冀遂淹星歲况今地不

愛寶致百穀之豐稔天惟降衷呈衆瑞而繁委汚萊

瘠鹵之地混成大田

萊作來瘠秦亦切薄  
也鹵即古切鹹地也

草木蟲獸

之微化為神貺萬靈垂鑒昭然甚明此而不從臣所

大惑矧又兵戎永戢夷狄咸懷昭然長春

昭一本  
作煦

樂

以終日是以耆老等深感聖育踴躍不寧上奉天恩

跼蹐知懼

跼蹐音  
局脊

頓顙闕下願復鴻名不謀而同無

期而至此皆上玄幽贊以誘其衷列聖垂靈以悟其

意臣以爲陛下當敬于斯旨不可忽也臣又伏以陛下賞功與能舉賢出滯小言不廢片善是褒豈可使臣子之效雖微而必旌君父之德盡美而無稱凡在覆載一本此下更有執不驚惶四字不勝懇禱恐懼之至一本恐懼作恐悚謹封耆老等狀奉表昧死陳請以聞謹言

第二表 闕

第三表

臣某言臣伏以耆老等並發丹誠將貫白日請復徽號以光聖謨臣以其懇款自中不可禁止遂抗表陳請備述微誠伏奉墨詔批荅未蒙允許者衆心尙阻

柳文

三十七卷

五

天意未從懇迫逾深兢惶無措臣某伏惟皇帝陛下道大益謙化成彌損雖江海善下每應朝宗之心老子

云江海所以能爲百谷王者以其善下之而日月居高久稱照臨之位况

復上承天命下覩人誠若然辭之理有不可伏以陛

下功參造化政體乾坤萬邦宅心百靈效職此聖之

至也明並兩曜信如四時先天不違窮神知化此神

之極也道德純備禮樂興行宸翰動於三光睿藻窮

於六義此文之備也五兵不試周禮五兵注戈七德

咸宣左傳襄公十二年夫武禁暴戢兵保大定功安民和衆豐財也武有七德殊方者知

歸負固者率服此武之成也黃龍皓兔甘露慶雲神



禾嘉瓜祥蓮瑞木萬物暢遂百穀茂滋此天之至靈也

發陵之切

謹歌道路此

人之至誠也有其德而無其號拒乎天而違乎人雖陛下謙讓之至美抑非臣心之所安也伏以賤志難明微誠莫達戴天彌懼履地益慚不任懇迫屏營之至伏願早建大號以稱天人之心謹再奉表昧死陳請以聞

爲耆老等請復尊號表二首

一無二首字

京兆府長安縣耆老臣某等言

本作石靈等  
本作石靈等

臣伏

以陛下尊號未復一十九年盛德彌光大化益被

光

柳文

三十七卷

六

一作大  
玄字

加以休徵咸集福應具臻至於今歲紛綸尤

盛風雨必順生長以時五稼盡登萬方皆稔神意人事正在於斯天不可違時不可棄臣等誠懇誠迫頓首頓首臣聞恩深必報德盛必崇以陛下九重之尊推崇無上以陛下四海之大報效何施唯有尊名用光聖理闕然未復誰所敢安臣心則微天意甚重伏惟皇帝陛下體昊穹以施化虔上帝以致誠今即千祥應期百神奉職飛走之物皆已效靈草木之類咸能應聖天命降於上人誠發於中此而可辭孰云有奉况復野多滯穗畝有餘糧足食之慶充溢於中垣

均與瓜同直即切水中可居阜財之謠歡呼於道路  
曰坻詩魯孫之庚如坻如京

盡非人力皆是天成神祇之望既勤遐邇之心又迫  
况臣等得生邦甸幸遇聖明身體髮膚盡歸於聖育  
本服飲食悉自於皇恩被玄化而益深望鴻名而未  
覩懇禱之至夙夜不寧謹詣光順門昧死請復聖神  
文武之號以副天地宗社之心使海內赤子得安其  
所臣等不勝懇倒迫切之至

第二表

一本以此表補京兆府請復尊號第一表之闕

京兆府長安縣耆老臣石靈等言伏奉墨詔批臣所  
請復尊號未蒙允許者捧對惶遽不知所裁天實命

柳文

三十七卷

七

之於臣何有臣等誠懇誠懼頓首頓首臣聞聖君以  
奉天為心不以執謙為德以順人為大不以崇讓為  
優今陛下深拒八人之誠猶懷謙讓之道臣等愚惑  
未知所歸且百祥荐臻特表昊穹之睠古倦切五穀蕃

熟用彰后土之勤億兆嗷嗷籲天請命上下交應幽  
明同心舉而違之臣所未識况臣等共被仁育同臻  
大和陛下德達上玄以豐人之衣食道躋壽域以延  
臣之歲年沐浴皇風二十餘載兒童感化鰥寡知恩  
故臣等出鄉之時歡呼遍野閭里勉臣以不進不止  
妻孥誓臣以不遂不歸唯竭血誠退無面目便當殞



首闕下終不徒還伏惟陛下照臣懇迫之情一作哀誠字

臣羸老之命臣等不勝嗚咽慙恨之至謹奉表陳謝

以聞

禮部爲文武百寮請聽政表三首順宗時作

臣某等言臣聞大道必體於至公大孝莫高於善繼

上觀列聖旁考前王罔不俯就禮文仰承大事嚴奉

宗廟慰安元元然後德教惟新邦家永固伏惟皇帝

陛下寢苦泣血苦詩蕪切草也居喪以爲覆席號慕無時貫于神明

動于天地未臨庶政猶狗至誠凡在人臣孰不哀懼

伏惟先聖遺旨俾陛下抑哀而聽政本朝乏人使臣

柳文三十七卷

等竭忠以奉上非敢懼死輒布懇詞期於必從以慰

寰宇且王業至重軍國方殷一日萬機不可暫闕伏

願追遵顧命蹈履成規恢王者華夷之望順上帝乃

眷之懷臣等不勝哀迫誠懇之至

第二表晏元獻本據文苑英華此表乃是林逢請聽政第三表

伏奉大行皇帝知陛下至性自天恐陛下執哀過毀

上惟九廟之重下念萬務之殷故遺詔丁寧俾遵舊

典今百辟卿士顯然在庭瞻望清光已七日矣固陳

誠請猶未允從內外憂惶莫知所出臣聞大孝之本

繼志爲難酌禮之情得中爲貴是以哀迷期數哭泣

有常俯而就之聖人所重

禮記檀弓子思曰先王之制禮也過之者俯而就之

不至焉者

知難繼也君子不為

同上季子臯曰買道而葬後難繼也伏

願少抑哀懷仰遵理命

理即治也

以副神祇之望以安億

兆之心光祖業於無窮流德化於天下凡在臣子孰

不悲戴

又第二表

晏元獻本作所作

按文苑英華此乃宗元

臣某等言臣聞聖凡殊塗邦家異禮故王者捨已從

物用身許天雖居達喪

漢即通也

猶以事奪伏以大行皇

帝

謂德宗

道成鑄鼎仙等御龍

黃帝採首山銅鑄鼎荆山下鼎既成有龍垂胡

緝者七十餘人因名其處曰鼎湖

萬姓長號

平聲

九有

柳文

三十七卷

九

願望陛下以聰明睿聖嗣守寶圖爰及宅憂迨茲累

日而孝思罔極尙輟乃雍之言

高宗諒陰三年不言言乃雍

庶政

未釐願闕如絲之命臣等嘗覽載籍粗知喪紀若成

周顧命歷代猶遵西漢詔音前王所奉

詔音一本作遺詔謂漢文

帝遺詔令天

下以日易月我國家以孝理天下文明應期上用此

法胥以傳授蓋事歸至當則不可不遵禮貴從宜則

不得守理固然也臣等是以上陳愚懇輕瀆宸嚴

冀遂血誠俯親國政而陛下執喪逾切聽理未聞億

兆嗷嗷不知所訴臣以為天子之孝在於保安社稷

司牧丞黎功超百王慶流萬代亦何必守臣下之小



節蔑皇王之大猷固阻羣情務成謙德伏願以遺詔  
爲念奪在疚之懷就臨軒之制天下幸甚

### 第三表

伏以萬機至重遺旨難違再獻表章上塵旒扆精誠  
徒竭天意未迴內外遑遑人神企望臣聞王者之孝  
異於匹夫禮不相沿余專切道資適變當承平之代故

殷帝宅憂而不言商高宗遇有事之時則周王未葬而

誓衆武王伐紂况今戎車猶駕邊候多虞兩河之寇盜難

除百姓之瘡痍未合亂者思理危者求安天下嗷嗷

正在今日誠宜抑其至性以副群心成先帝之大功

柳文

三十七卷

十

繼中興之盛業豈可寢苦啜泣苦詩廉切啜抹悅切庶政闕然

九廟之靈何報萬方之望何塞臣等職參樞近誠切

邦家若陛下未忍臨軒尚持前志臣等有死而已不

敢奉詔不勝哀迫懇切之至

### 賀踐祚表

順宗即位宗元代節鎮作此

臣某言太子中舍嚴公弼至公弼乃山南西道節度嚴震之子奉某

月日勅書慰諭伏承陛下以某月日虔奉典冊允昇

寶位凡在群生孰不慶幸臣某誠懼誠抃頓首頓首

臣聞天地泰而聖人出雷雨解而品物榮解下盍切是以

五行迭用木火更其位十葉重光宗廟輔其德殷宗

龔默再開成湯之業漢文聰明克承高祖之緒陛下  
重離出曜體乾繼統主鬯彰孝恭之美撫軍著神武  
之功欽承遺訓承一作奉永保鴻業過密之中施雨露以  
被物遐邇之地觀日月之繼明則四維之外八極之  
表人神胥悅草木皆春煦嫗生成不失覆載煦吁句切嫗於  
遇切天以氣照地以形嫗况臣謬膺藩守累受國恩爰自出身洎  
乎領鎮沐浴聖澤優游昌時不獲覩闕庭之禮展臣  
庶之分戴天賀聖倍萬恒情

禮部賀改永貞元年表

宗元為禮部郎中賀憲宗

柳文

三十七卷

十一

十一年為永貞元年自貞元二十一年八月五日昧  
爽以前應犯死罪特降從流流已下遞降一等者實  
命方始聖曆周彭載宣臨照之明遂施渙汗之澤臣  
某等誠慶誠賀頓首頓首伏以重光下濟積慶旁行  
漢祖推奉教之尊前漢高祖紀詔曰子有天下尊歸皆太公教誨也今於父朕披堅執銳平暴亂立諸侯  
尊太公曰太上皇文王遂無憂之志中庸無憂者其唯文王乎以王  
季為父以武王為子正名紀曆名一作明表運行於萬方宥過輕刑  
流汪濊於四海濊於廢鳥外二切汪濊深廣也又言饒多歡呼拊蹈遐邇  
攸同臣某等親奉聖暮仰承大化踴躍之至倍萬恒  
情無任蹈舞欣慶之至



禮部太上皇誥宜令皇帝即位賀表

順宗傳  
位憲宗

臣某等言伏奉今日太上皇制命陛下即皇帝位光奉寶圖丕承鴻業溥天率土慶躍難勝臣某等誠喜誠抃頓首頓首臣聞皇建其極存諸大訓帝出于震著在易經繼明以照于四方重熙以臨於萬國動植品彙永賴昭蘇山川鬼神咸用欣戴臣某等獲備班列親仰聖明踴躍之誠倍萬恒品無任抃躍喜慶之至

禮部賀立皇太子表

廣陵王即憲宗

柳文

三十七卷

十二

臣某等言伏奉今月二十四日制廣陵郡王宜冊爲皇太子改名某仍令所司擇日備禮冊命者天序有奉皇圖載寧臣某等誠慶誠賀頓首頓首臣聞商書載以貞之文漢史傳早建之議

前漢文  
帝紀

不惟立愛其

在繼明

一其  
作期

陛下奉率前規敷揚盛典顧茲守器之

重爰正承華之位尊義方之教載錫嘉名崇建樹之

禮式光典命以長而立自符於慎擇必子之選遂合

于至公邦本不搖王業彌固此皆宗社垂祉啓佑皇

心乾坤合謀保安聖運足以播休氣於四海洽太和

於萬靈食毛含齒所同歡慶臣等奉承制命蹈舞周

行踴躍之誠倍百恒品無任慶抃感悅之至

臣某等言伏奉今日制皇太子冊禮云畢思與萬方  
 同其惠澤者盛典斯舉鴻恩遂行凡在率土不勝抃  
 躍臣某等誠喜誠賀頓首頓首伏惟皇帝陛下克奉  
 神休以正邦統建天下之本宗廟以安致萬國之貞  
 兆人攸賴典冊既備慶澤載流既廣愛而推恩亦好  
 生而布德緩刑而囹圄知感進勲而嗣續增榮崇教  
 諭之方忠良是舉嚴贊襄之禮賜與有加襄一作相旌孝  
 悌以厚於人倫敬鬼神而修其祀事况行禮之日則  
 屏翳收蹟屏翳雲師也太陽宣精用彰出震之休更表重  
 離之曜神化旁暢皇風遠揚自華及夷異俗同慶臣  
 某等謬參著定著定位序也倍百恒情無任懽慶踴躍之  
 至

柳文

三十七卷

十三

為王京兆皇帝即位禮畢賀表

代王權賀憲宗

臣某等言臣聞大人繼明百神所以受職天子有道  
 萬國由是承風伏以皇帝陛下續聖垂休順時御極  
 負扈而會朝夷夏明堂位天子負斧扈南面而立注云負背也扈戶牖間也扈隱豈切  
 踐祚而統和天人幽明感通遐邇昭泰遂使祥光下  
 燭嘉氣旁通周王謝流火之符魯史愧書雲之典食  
 毛含齒懽抃無窮臣某等幸覩昌時獲奉大慶踴躍



之至倍萬常情無任蹈舞欣躍之至

代韋中丞賀元和大赦表

代永州刺史

臣某言伏奉正月二日制大赦天下永貞二年宜改  
元和元年太陽既昇煦育資始霑澤斯降膏潤無遺  
臣某誠慶誠賀頓首頓首伏惟皇帝陛下仁化旁流  
孝理弘闡紀元示布和之令肆肯見恤人之心曠然  
滌瑕得以遷善渙發大號申明舊章農有薄征市無  
彊價勲勤是錄爵秩以班寵寧間於幽明澤必周於  
夷夏近甸輕權酌之入遠人忘水旱之災既行慶於  
官僚亦推恩於天屬諸生喜覺塾之廣庶老加絮帛  
柳文  
之優量入所以備凶興廉期於變俗爰褒有客尊賢  
之典惟親詩周頌有客謂二王之後為客戴奉素王宗子之道斯在  
記禮子孔子曰天下孰能宗予綸言一降庶政畢行懷生之倫感悅  
無量臣某等守在遐遠親奉詔條踊躍之誠倍百恒  
品無任感恩抃舞屏營之至

禮部賀冊太上皇后賀表

憲宗即位太上皇  
詔音冊之

臣某等言伏奉今日日誥良娣王氏冊太上皇后娣

舅太子有  
妃有良嬪

良媛董氏冊太上皇德妃

媛于  
眷切

宜令所司

備禮冊命者母儀有光坤道克順陰教方行於萬國  
內理克和於六宮臣某等誠慶誠賀頓首頓首伏惟

皇帝陛下對若天休奉揚睿旨長秋既登其正位長秋

皇后所居禴狄亦被於恩光禴音搵刻雜飾服也禮記謂王后

祀奉養見三朝之安禮記文王朝王季日三周旋有四星之輔

史記天官書後宮四星未大星正妃餘三星後宮豈獨配乾稱太助日為明

所以表王化之原知孝悌之本冠映千古儀形四方

臣某等捧戴施行踊躍無地無任蹈舞欣喜之至

禮部賀太上皇后冊畢賀表永貞元年

臣某等言今日太上皇后冊禮云畢率土臣妾慶

抃無窮臣某等誠慶誠賀頓首頓首伏以太上皇后

著虞嬪之至德嗣周母之徽音表率六宮明彰萬國

柳文 三十七卷 十五

陛下克修理本以暢化源神道知事地之方人倫識

尊親之太豈惟婦順斯備陰禮用修其以播正始於

王風王一作國致時雍於帝典臣某等謬塵榮位獲覩盛

儀踊躍之誠倍百恒品百一作萬

賀皇太子牋代藩鎮賀廣陵王為太子

某言伏奉月日制書殿下祇膺茂典位副青宮青宮東宮

也神異經曰東方有宮青石為牆高三仞門有銀榜以青石碧鏤題曰天地長男之宮温文光

三善之名禮記文王世子篇行一物而三善皆得者唯世子而已又云恭敬而温文繼照

協重離之慶萬葉固本群方宅心含生之徒孰不欣

戴況某夙蒙期獎職在藩方權抃之誠倍萬恒品



臣某言。今日宰臣以幽州所進嘉禾圖各一軸示百僚者。伏以嘉穀順成。靈貺昭格。天人合應。遐邇同風。臣某誠懼誠慶。頓首頓首。伏惟皇帝陛下。睿謀廣運。神化旁行。植物知仁。祥圖應聖。靈嶽不愆。於贊祐燕谷。用遂於生成。鄒衍禾谷事豐稔既均。知朔南之被澤。休嘉克叶。見天地之同和。六穗慙稱於漢臣。司馬相如封禪書嘉穀六穗異畝耻書於周典。唐叔得禾異畝同穎獻諸天子王命唐叔作歸禾嘉禾自中形外。均慶同歡。臣某謬職憲司。獲覩休瑞。無任抃躍之至。

柳文

三十七卷

十六

禮部賀嘉禾及芝草表

貞元中韋皋崔宗所進

臣某等言。伏見今月某日。內出劔南所進嘉禾圖及陝州所進紫芝草。示百僚者。珍圖煥開。瑞彩交映。遐邇偕至。福應攸同。臣某等誠慶誠賀。頓首頓首。伏惟皇帝陛下。緝熙至道。保合太和。天惟發祥。地不愛寶。嘉禾擢質。靈草抽英。獻于王庭。唐叔慙同穎之異。尚書

薦諸郊廟。班史謝連葉之奇。前漢武帝紀其泉宮生芝草九莖連葉

既呈疑疑之祥。疑魚紀切草盛貌又魚力切更覩煌煌之秀。豐年

斯著。聖壽用彰。飲和之人。權抃無極。臣某等優游至

化。披翫殊姿。慶抃之誠。倍百恒品。

京兆府賀嘉瓜白兔連理棠樹等表

貞元中作

張建封之子

臣某言今日日中使王自寧出徐州刺史張愔

滄把

察使上官說所進許州連理棠樹圖示百僚者惟天

眷命是降百祥惟聖欽承用膺多福臣某誠慶誠賀

頓首頓首臣伏以大和所蒸至德斯應圖物獻瑞周

於遠方神瓜合形式表綿綿之慶異棠連質用彰燁

燁之榮

一本作休

况金風發祥白兔來擾告有秋之嘉應

著成歲於神功雜遯紛綸

遯大合切雜遯聚積之貌

如山斯委人

盡登於壽域物咸暢於薰風况臣特感深恩欣逢衆

柳文

三十七卷

十七

瑞踊躍之至倍萬恒情

禮部賀甘露表

貞元二十一年宗元遷禮部員外郎掌尚書牋表

臣某言中使王自寧至伏奉宣聖旨出延和殿前丁

香樹甘露一大合示宰臣未時又出一大合令明日

示百僚甘露見降未止者玄化升聞靈貺昭答必呈

尤異之應以告天地之和臣某誠歡誠慶頓首頓首

伏惟皇帝陛下均煦育之功敷滲漉之澤太和潛達

闕瑞克彰發於天霄特降宮樹朝光初燭方湛湛而

不晞畏景轉炎更灑灑而未已綴葉而珠璣積耀盈

器而冰玉呈姿芳襲椒蘭味兼飴醴

飴音怡

然則零



於庭而著異紀於年以標奇

楊雄云昔二帝三王國家殷富上下交足故有

甘露零其連漢宣帝元康元年其露降未央宮大赦於是

以紀年徒矜往辰孰並茲

日况樹有丁香之珍殿即延和之號所以著芳風之  
遠播期聖壽於無疆事絕古今慶傳遐邇臣謬承渥  
澤獲覩殊祥抃躍之誠倍萬恒品

禮部賀白龍并青蓮花合懽蓮子黃瓜等表

一本此下注云京兆恐非

臣某言伏見今日日內出滄洲所進白龍見圖又出  
西內定禮池中青蓮花并神龍寺前合歡蓮子示百  
僚二十三日又出鹽州所進合歡黃瓜圖者二氣交

柳文

三十七卷

十八

泰萬國同和動植思協於殊祥遐邇畢陳其嘉應披  
圖按牒聖理彰明臣誠歡誠慶頓首頓首伏以天地  
非遠睿感必通疊瑞重祥累集宮禁池蓮表異靈化  
非常敷彼清光徵佛書而尤絕成其嘉實驗祥經而  
甚稀積慶旁流自中徂外遂使龍騰白質乘秋果應  
於金行瓜合黃中表望更彰於土德遠通邊徼近出  
苑園合慶同歡周於億兆况復邦畿之內雨霽必時  
宿麥大穰嘉穀滋茂和風孕育一作秀字靈氣陶蒸是皆  
發自帝心達於天意周流升降成此歲功惠彼群生  
自爲嘉瑞臣某深惟多幸獲遇斯時觀靈貺之備臻

知人和之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽鮮明色實殊常性惟馴狎臣聞聖王之德無所不至有感則應無幽不通伏惟陛下恩霑動植仁洽飛翔故得茲禽呈休效質伏以白者正色式表金方鵲以知來淮南子云式彰冠服用符歸化之兆克耀大平之階臣職參禁垣獲覩嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰

柳文

三十七卷

十九

縣移風鄉百姓王獻朝園內產嘉瓜二實同蒂圖示百僚者寶祚維新嘉瑞來應式彰聖德更表天心臣某等誠慶誠賀頓首頓首伏惟皇帝陛下保合太和緝熙庶類德馨上達神化旁行嘉瓜發祥來自侯服質惟同蒂見車書之末均地則移風知化育之方始雖七月而食豳土歌王業之難五色稱珍東陵詠嘉賓之會阮嗣宗詩昔聞東陵瓜近在青門外五色耀朝日嘉實四面會未聞感通若斯昭著者也臣某等遭逢聖運親仰珍圖抃躍之誠倍百恒品無任慶悅之至

爲王京兆賀嘉蓮表

王權



臣某言今日某時中使其奉宣聖旨出西內神龍寺  
前水渠內合歡蓮花圖一軸示百寮者祥圖煥開異  
彩交映贊天地之合德表神人以同歡臣某誠歡誠

慶頓首頓首伏惟皇帝陛下道協重華慶傳種德

皇

邁種德李氏皇陶陰陽之粹美孕造化之精英吉慶

陶之後故云

每見於天心發祥必自於禁掖是使雙華擢秀連蒂

垂芳香激大王之風影耀天泉之水

沈約宋書文帝永嘉二十二年

天泉池二蓮同幹

煥開宮沼旁映給園

謂給孤獨園指言神龍寺也

靈聖

應期天龍護聖寶曆夙超於小劫神功允洽於大千

臣其復覩昇平濫居榮寵聞瑞應而稱慶仰績事而

柳文

三十七卷

二十

增歡無任抃蹈喜躍之至

為王京兆賀雨表

一表下有一字

臣某言臣昨日面奉進旨以近日少雨今月內無雨

即須祈禱今日便降甘雨者天且不違神必有據密

雲與綸言繼發時雨將天澤並流臣某誠歡誠慶頓

首頓首伏惟皇帝陛下憂切蒸黎慮深稼穡思彼未

兆防於無形滲漉每出於湛恩變化必隨於廣運宸

衷暫惕已矯御天之龍聖暮既宣遂洽漏泉之澤靈

霽周布

靈徒感切霽徒對切霽霽雲霓

霏微四施黍稷盡成公私皆

及野夫鼓舞知帝力之玄通官吏歡呼見天心之默

喻臣某牧人京邑動仰皇靈渥澤徒加涓滴無助無任感悅屏營之至

王京兆賀雨表二

臣某言臣伏見今月二十四日時雨溥降伏以聖心積念天意遽迴移造化之玄功葺陰陽之常數臣其誠慶誠抃頓首頓首皇帝陛下仁育蒼生恩同赤子自頃天雨未降時稼或愆貶食齋戒至誠幽達又慮宿麥無備播種失時出於宸衷特令賑貸特一作將睿謀潛運甘雨遂周布濩垂陰隨聖澤而俱遠滂池積潤與恩波而共深臣某才術無聞謬司邦甸生成必資於帝力進退何補於天工沐浴大和慙荷無極無任慶躍屏營之至

王京兆賀雨表三

柳文

三十七卷

二十一

臣某言今月十三日面奉進旨緣自春來少雨宜即差官精誠祈禱者十四日臣便差官分赴靈跡其日雲陰四合至十五日甘雨遂降伏惟皇帝陛下言爲神化動合天心未成旱暵之虞已積憂勤之慮衆靈受職蒼蔚且躋於南山詩蒼蔚蔚兮蔚兮南山朝濟百穀仰榮滂霈遂霑於東作左傳百穀之仰膏雨睿暮朝降膏澤夕周知天人之已交識陰陽之不測然則周王徒勤於方社詩以我齊



明與我犧羊以社以方我殷帝虛美於桑林豈若無田既減謂有事於山川也 殷帝虛美於桑林豈若無災而早圖未禱而先應化超前聖道貫重玄徧野同歡傾都相慶臣之欣躍倍萬恒情

王京兆賀雨表四

臣某言臣於三月二十九日奉進旨於諸靈跡處祈雨至三十日廿兩遂降者臣聞惟聖有作先天不違發令而祥風已興致誠而玄液旋被臣某誠欣誠賀頓首頓首伏惟皇帝陛下側身防患道邁周王盡力勤人功超夏后聖謨廣運驅百靈以從風神化旁行滋五稼而流澤油雲四合膏雨溥周農壤遂一於肥

柳文

三十七卷

二十二

硯丘交切與澆同

滲澆盡霑於遐邇蒸黎詠德知必自於聖心草木欣榮如有感於皇化有年之慶實在於斯臣以無能謬領京邑上勞宸慮運此歲功無任喜懼屏營之至

賀親自祈雨有應表五

臣某言臣得上都院官金部員外郎韓述狀報以時雨未降親自於龍堂祈禱有靈禽群翔自成行列如隨威鳳以翼龍舟其日降雨者

中謝

伏以時或憊陽歲

之常候式當聖日無害豐年陛下敦本務農憂人閔兩宸慮所至天心自通故得瑞鳥迎舟掩商羊之舞

家語齊有一足之鳥舒翼而跳  
孔子曰天將大雨商羊鼓舞  
仙雲覆水協從龍之

徵初泛洒於上宮遂滂霈於率土自中徂外皆荷生

成雨公及私靡不碩茂殷后徒勤於自勦左氏春秋

雨乃以身禱於桑林湯克夏不周公空媿於舞雩周禮春官

其髮割其爪以為犧臣以齋虛謬司垣翰有年之慶惟聖之功臣某

不任 云云

柳表悉銜口而成不殊自工

柳文

三十七卷

二十三



柳先生集卷之三十七  
戊子四月望日仁和黃燦看于波斯



表

為表中丞賀克東平赦表

立 桂管觀察使裴行

臣某言伏奉月日德音以淄青蕩平褒功有罪布告

遐邇者

元和十四年淄青都知兵馬使劉悟斬其節度使李師道以降師道所管淄青登萊沂密

鄆曹濮齊兗等十二州皆平詔赦天下

臣聞肅殺之後每致陽和雷霆

既施必聞膏澤

中謝

伏望陛下體乾剛以運行叶坤元

之翕闢百靈受職六合從風阻兵怙亂者必就梟擒

懷忠抱義者無不甄錄

廷切

激其效順特加旌節之

榮

謂以劉悟為義成節度之寵

以元功遂兼鼎鉉之任

謂田弘正加檢校司

柳文

卷三十八

使同中書門下平章事

戎行窮賞賚之重

行戶即切

死事極褒卹之

優劫脅之役盡除聚斂之名皆去傷痍受煦

可向切

疾加恩豐財已復其征徭賜種更盈於種陸

音童陸

嚴

山川之祀神必有依申義烈之家物無不感周王推

忠厚之化漢帝慙愷悌之風太平之德斯為至盛

一作

太平之業既崇中興之德斯至

然則虞巡可復告成將慶於岱宗漢

典方行講禮再榮於闕里

後漢章帝過魯幸闕里以太牢祠孔子

臣謬

膺重寄獲覩太和抃蹈之誠倍萬恒品謹已施行郡

邑宣示軍戎莫不動地歡呼若醉千鍾之酒騰天鼓

舞如聞九奏之音

趙簡子夢遊鈞天廣樂九奏

無任慶賀踴躍之



至

柳州賀破東平表

元和十四年誅李師道

臣某言即日被觀察使牒李師道以月日克就梟戮

者梟堅堯切斷首倒懸也帝德廣運唐命惟新靈矐廓清靈莫皆切

矐一計切靈兩土也陰而風曰矐天地貞觀率土臣庶慶抃無涯謝中

伏惟睿文聖武皇帝陛下威使百神德消六泠五行氣之

相蕩曰天降寶運時歸太平自克夏擒吳翦蜀平蔡

令音庚殊類稽顙群疑革心唯此兇

妖尚聞悖慢庭議既得廟謀必滅謀一作謨旌旗燭耀於

洪河金鼓震驚於靈嶽東嶽泰山鄆城自潰寧同莒魯之

柳文三十八卷 二

爭鄆王問切唐鄆州東平郡左傳昭公元年莒魯爭鄆為日久矣齊地悉平無俟耿

陳之戰耿古幸切光武詔耿弇討張步弇率陳俊等擊汎河齊地悉平五兵永戢七

德無虧左傳武含生比堯舜之仁率土陋成康之俗

介丘霧息已望翠華之來文選南都賦翠華車蓋也沂水風生更

起舞穹之詠千歲之統實在於斯臣守在蠻荒獲承

大慶抃躍之至倍萬常情晏本更有伏以舜念克勤禹思受益無疆惟郵既聞

政理之方靡不有初願獻持盈之戒介丘霧息云云

代裴中丞賀分淄青為三道節度表

裴行立

臣某言伏見某月日制分淄青諸州為三道節度都

團練觀察等使者元和十四年分李師道所管十二州為三道以鄆曹濮為一道淄青



齊登萊馬一道交  
海沂密爲一道

蚍豕之穴忽爲樂郊氛沴之餘盡

成和氣伏惟皇帝陛下天付昌期神開寶曆復昇平  
之土宇拔祿孽之根源自西自東不違於指顧我疆

我理咸得其區分山川備臨制之形道塗適征徭之

便俾侯旣定賜履以寧

左傳信公十四年齊管仲曰  
賜我先君履注履所踐履之

界異青究之封爰從古制解曹衛之地實契雅謀

左傳

信公二十八年  
分曹衛之田

車甲永藏馬牛勿用俗被雍熙之化

代知仁壽之期農事載盛於耨芟

九切儒風重興於

俎豆足使季札觀魯更陳南籥之儀

左傳襄公二十  
九年吳季札請

觀周樂見舞  
象前南籥者

山甫徂齊復正東方之賦

蒸氏詩

臣揔戎

柳文

二十八卷

三

遠地不獲倍賀闕庭

云云

爲韋侍郎賀布衣竇群除右拾遺表

韋夏卿  
所薦

臣某伏見今月日制除布衣竇群右拾遺者臣聞直

道之行四方嚮德逸人是舉天下歸心

中謝

臣伏以竇

群肥遯居貞包蒙養正學術精果操行堅明讚詠道

真以求其志頃守藩服待所委知及歸朝廷輒有聞

薦庶逃竊位之責以塞曠官之尤豈謂天聽曲從瞽

言無廢况諫諍之職政化是參擢於布衣久無其比

周行慶抃林藪震驚晦跡寧慮於遺賢懷才盡思於

展效臣以性本庸疎動無裨益唯思進拔以報恩榮



區區懇誠實貫金石言而不廢微臣敢竊於薦雄音王

薦楊雄待詔德必有鄰聖代式光於尊隗燕昭王尊郭隗自群受

命異復面陳迫以疾病接於休假注心蓄念寤寐兢

惶無任喜躍屏營之至

為樊左丞讓官表一本作韋左丞

臣某言伏奉今月二十八日制除臣尚書左丞寵命

俯臨慙顏自失泛大鯨之海但覺魂搖戴巨鼇之山

未如恩重謝中臣聞尚書百揆翊亮萬機故天上尊北

斗中樞陛下有南宮左轄晉昇孔坦諒直當時孔坦字方

平咸和初為尚書左丞漢拜楊喬閑練故事後漢楊

柳文深為臺中之所敬憚三十八卷四

時為尚書後以黨劉坐劾賈彪等上疏曰尚書楊喬文質彬彬建明國典庶得百條有憚

於會府諸侯取法於京師臣實護才諛先鳥切小也謬登清

貫握蘭起草昔柰朝經剖竹頒條近貽人瘼備歷中

外無聞聲彩版圖載緝貢賦未均於九州銅印更操

威儀不檢於三署次即補缺豈易其人聖主求才宜

難此受竊謂旁求俊乂側訪瓌奇瓌古回切必使德合準

繩言成綱紀興化致理時無間言况安上必在於薦

賢危身莫踰於曠職倘蒙垂收紫渙謂詔書也今俯本作紫後非

矜丹誠愚臣保陳力之言聖鑒有責成之地無任覲

冒惶悚之極謹詣朝堂奉表陳讓以聞臣所讓人別



狀封進

為王戶部薦李諒表

王叔文

臣某言臣聞知賢必進忠臣之大方擇善而居明主之要道况臣特受恩遇超絕古今報國之誠寤寐深切是敢竭愚臣之微分助陛下之至明恢張羽儀弘輔治化臣某誠惶誠恐頓首頓首切見新授某官李諒清明直方柔惠端信強以有禮幹而甚文幹一作敬求之後來略無其比臣自任度支等副使以諒為巡官未及薦聞至某月日荆南奏官勅下赴本道諒實國器合在朝行臣之所知尤惜其去伏望天恩授以諫官使備獻納冀他日公卿之任斯焉取斯則聖朝無乏士之名微臣緩蔽賢之罰無任誠懇屏營之至

為戶部王叔文陳情表

柳文

三十八卷

五

貞元二十一年王叔文母死匿喪不發置酒翰林自稱母疾病今當請急左右竊語曰母死已腐方留此將何為

臣某言臣母劉氏今月十三日忽患暗風發動

暗一作瘖

狀候非常今雖似退猶甚虛憊

都活陟雪二切

驚惶憂苦不知所圖臣唯一身更無兄弟侍疾葺藥難闕須臾伏乞聖恩停臣所職今臣見在家扶持其官吏等並已發遣訖臣以庸微特承顧遇拔自卑品委以劇司夙

夜兢惶唯思吞效至誠至懇天聰所知豈慮未效消

塵遽迫方寸蜀徐庶指心曰今夫老母方寸亂矣以開塞重輕之務謂

度支鹽鐵轉運副使加焦勞憂灼之懷雖欲徇公無由枉志况

忠孝同道臣子之心許國誠切於死生報親忍忘於

顧復一本作昧死上陳候母劉氏疾疾退窮蹙昧死上陳無任惶懼懇倒嗚咽之至

小瘳莫微臣驚蹇再效無任云云

代裴中丞謝討黃少卿賊表元和十四年詔桂管觀察使裴

行二討黃洞蠻

臣某云云即日奏事官米蘭迴伏奉手詔云云者臣

聞膚革既平雖疥癬而必去國語申胥曰夫齊魯譬諸疾疥癬也豺狼

柳文三十八卷六

已斃在孤鼠而宜除臣某中謝伏惟元和聖文神武法

天應道皇帝陛下受命上玄底寧下土兇渠盡殄威

武載揚蠢爾腥膻尚聞凌暴靈旗斜指漢武帝伐粵以牡荆畫幡

日月北斗登龍為泰一靈旗為兵禱則太史奉以指所伐國銅獸俯臨即銅虎符所以發兵

三軍知必勝之方萬姓喜永清之路微臣忝司戎律

親列顏行行戶郎切前漢嚴助傳注顏行猶馬行在前行故曰顏也躡伏波之舊

規光武時伏波將軍馬援擊交趾乘下瀨之故事漢武帝元鼎五年遣伏波將軍路博德出桂楊下湟水甲馬下瀨將軍下蒼梧注盡瘁事

甲故越人歸漢者也賴難也吳越謂之賴國期畢命於戈矛不宿于家思奮身于原野即以今

日某時出師就道便披榛蹶石摩壘陷堅左傳宣公十二年靡

左傳宣公十二年靡



旌摩壘而還

蕩清海隅，永息邊徼。切以材非充國，敢自贊

於無踰。前趙充國曰：無踰於老臣。

志慕孟公，庶追蹤於不伐。

論語：孟之

反不

謬承重委，寤寐兢惶。無任感恩隕越之至。

### 為裴中丞舉人自代伐黃賊表

伏以某官器宇端方，風姿詳雅。謙虛內敏，籌略共推。

前佐湖南，悉心匡佐。後歷郡掾，深負政聲。惠愛在人，

姦邪屏息。勤勞已著，幹蠱無倫。今黃賊尚據荒陬，大

巢未覆，倘以其代某之任，必能掃蕩氛祲。

氣音分，祲子鶴咨林

二切

廓清海濱，竊惟斯人雅堪厥職。

云云

### 為崔中丞請朝覲表

桂管觀察崔詠或謂崔能者非

柳文

三十八卷

七

臣歷刺三州，連揔二府。外任逾紀，入覲無階。就日望

雲，魂飛心注。伏惟睿聖文武皇帝陛下，覆載無私。遐

邇同致，復昇平之故事。繼前聖之高蹤，中外踐更。出

入迭用，臣以虛薄，叨受恩榮。徒竭夙夜之心，未申朝

夕之敬。天威咫尺，誠寤寐而無違。雲漢昭回，固瞻仰

而何及。是以前在朗寧。

邕州也

封章累上，及移臨桂。

桂州

今靜江府

星紀屢周，微衷尚隔於戴盆。

司馬遷云：僕以爲戴盆何以望天。

積望徒懸於窺管。

莊子：用管窺天，用錐指地。

葵藿之誠，彌切犬馬

之戀。逾深人欲，天從於茲。未驗下情，上達終冀不誣。

敢瀆宸嚴，罄陳丹懇。伏乞賜臣除替，許至闕庭，廁蹈

舞於群僚備班行於散地足趨中禁目覩大明俾成  
九族之榮以盡百生之幸非敢竊國賔五獻之禮禮周  
秋希康侯三接之恩周易一覲龍顏萬死爲足無任  
晉卦懇迫激切之至

代柳公綽謝上任表

元和六年爲潭州刺史  
湖南觀察使

肅恭休命晨夜趨程祇荷寵私不違寢食以月日到  
所部上訖云云臣聞古之制爵祿者爵以居有德祿  
以養有功臣本書生宦不期達值某皇帝睿聖文武皇帝文  
明撫運大闡玄猶搜采衆才幸忝甄錄歷踐中外星  
霜屢移曾無消塵上蒼鴻造忘其薄陋委之雄藩顧

柳文

三十八卷

八

無綏馭之能謬忝澄清之寄將何以敷宣皇澤普諭  
天慈唯當察慝以爲防視俗而爲教蠲除細故務安  
黎獻庶幾清靜無擾以慰遠人臣不勝忝冒荷恩之  
至

代李愬襄州謝上任表

元和十二年

捧對絲綸慙悻無地拜命兢悚不知所裁臣凡賤瑣  
才智略無取幸賴先臣緒業愬父李晟累忝國恩天澤曲  
流遂司節制寄深分閫任重專征顧無將領之才謬  
處衆人之上豈謂宸私軫念仁育爲心霈澤無涯德  
音屢降士衆感悅咸思竭忠遂得潛師暗入賊境不



意兇渠就戮吳元此皆聖謨豈敢叨天以爲己力仰

荷殊造重於丘山臣以月日上訖謹當敷宣皇化普

諭聖慈綏撫三軍又安百姓冀以塵露上荅鴻私臣

云云

### 代節使謝遷鎮表

鴻私曲臨獨越夷等祗荷明命寤寐不遑臣才非器

能謬膺仕進雖竭盡駑劣力效忠勤冀寡愆尤敢望

官達某宗皇帝德宗不以臣儒術淺薄超授禮官尋

遷正郎遂忝符郡某皇帝順宗不遺臣小善擢處諫

曹叨承厚恩備職藩翰顧惟瑣劣多慙負恩伏遇陞

柳文

三十八卷

九

下憲宗德紹唐虞無私庶政臣尸素歲久謹誦宜加

豈冀褒昇更遷重鎮再忝澄清之寄仍同獻替之榮

將何以上荅天慈下安氓庶臣當務修農稼率勵遠

人鋤其姦慝以副勤郵無任云云

### 爲劉同州謝上表或云劉公濟

臣某言伏奉某月日制除臣同州刺史兼本州防禦

營田長春宮使某月日到州上任訖臣初奉綸言震

抃無極及臨所部驚懼逾深役軀莫報於乾坤陳力

無裨於造化臣某誠惶誠恐頓首頓首臣出自諸生

不習爲吏有惛懦之質惛音昏懦奴無區處之能託

跡儒門之仲弓南面之德委身即署闕馮唐論將之對常懼叨冒清列蕪穢聖朝豈意天聽忽臨鴻恩荐及八命作牧一麾出守拔自下位寄之雄藩非臣庸瑣所宜膺據况馮翊即同州密邇王都古稱三輔爰自

近代命秩逾崇有兵食之虞有官室之制皆公卿將

相出入由之仰徵甲令俯窺圖記跼踖無地踖渠足切踖踖

不傳也以競以惶恩重命輕不知所効庶當刻精運力

一作矧精畢力夙夜祗勤上奉雍熙旁流愷悌以日繫月儻

或有成度幾之心懍懍增惕徒望雲而就日喜近帝

鄉將擊壤以成風共歌堯代天威咫尺敢布丹誠無

柳文 三十八卷

任恫懇屏營之至

代裴行立謝移鎮表 穆宗時恐非宗元所作

星言即駕便道之藩祗荷寵榮不敢寧息臣某爰自

弱齡即忝推擇階緣試吏累忝清資先聖憲宗以臣粗

知兵要俾統師徒交蠻俶擾黃賊不馴奉詔俾臣撲

滅氛稔士衆賈勇賈音古左傳成公二平欲勇者賈余餘勇思酬渥恩冀

因此時得立微效豈謂時多疫癘不副憂勤知臣特

深復洗瑕責夙夜感戴捐軀有期徒增憤勇力未從

願微臣不幸釁故重重泣血摧肝載崩載咽陛下穆宗

也龍興御極衆海永清道暢八埏延糴二音威加九



域鴻和普洽靡不周泰伏蒙累垂休命遂越等夷循

省何人過膺抽擢况臣比臨此鎮備更夷險故材舊

壤究在目前裴行立前為安南經略今復為都護雖則殊鄉還同衣錦

量巨鼇之力未足負恩猶蚊蚋之微焉能報德將何

以宣揚聖造撫慰疲羸唯當遵守詔條貶棄奸慝平

勻徭賦示以義方持清淨以臨人守無私以奉國重

脩前志再礪戈矛展駑駘之効申鷹犬之用庶荒陬

夷獠小老二音西南夷名盡沐皇風率土生靈備聞斯慶微臣

之志也限以二云云

### 代韋永州謝上表

柳文

三十八卷

十一

臣某言伏奉月日制書除臣永州刺史以月日到州

上訖受命若驚臨職彌懼臣以無能累更事任神州

赤縣實所備嘗過量逾涯每深兢惕不謂聖恩推擇

濫駕朱輪祿秩徒增詎施乳哺之惠服命虛受寧興

襦袴之謚况此州地極三湘俗參百越左衽居推髻

之半推傳追切髻音計推髻者一撮之髻其形如椎可懇乃石田之餘左傳哀公

十一年猶石田無所用之曠牧守於再秋彌驕獷俗獷古猛切說文犬不可附

也代征賦於三郡重困疲人分災本出於一時積弊

遂餘於十稔撫安未易知法出而姦生子育誠難懼

力勞而功寡夙夜憂切不敢違寧庶當宣布天慈奉

揚神化以日繫月。儻或有成。少裨愷悌之風。用荅生成之造。無任感恩殞越之至。

謝除柳州刺史表

元和十年

諸本此表首皆云伏奉三月十三日制除臣使持節柳州諸軍事守柳州刺史六月二十七日到任上記

早以文律參於士林。德宗選於衆流。擢列御史。陛下嗣登寶位。微臣官在禮司。百僚稱賀。皆臣草奏。臣以不慎交友。旋及禍訕。訕許容勿一作誣字聖恩弘貸。謫在善地。累更大赦。獲奉詔追。違離十年。一見官闕。親受朝命。牧人遠方。漸輕不宥之辜。特奉分憂之寄。銘心鏤骨。

柳文

三十八卷

十二

無報上天。謹當宣布詔條。竭盡駑蹇。皇風不異於遐。邇聖澤無間於華夷。庶荅鴻私。以塞餘罪。云云

柳州謝上表

貞元中代人作

臣某言。伏奉詔書。授臣柳州刺史。以今月二日至部。中謝臣前歲以久停官秩。去年蒙聖恩除替。便欲裂裳裹足。趨赴京師。以舊疾所嬰。彌年未愈。逮及今夏。始就歸途。襄陽節度使于頔。徒歷切與臣早歲同官。見臣當暑在道。懇留在館。尋假職名。意欲厚臣。非臣所願。伏惟陛下光被之德。道以洽於區中。憂濟之勤。心每徧於天下。常以萬邦共理。必藉於循良。一物不



遺尚延於愚藐

墨角彌 沼二切

假臣寵渥重領方州駑駘復

效於奔馳枯朽更同於華秀

中謝

臣聞潢汚易竭抑有

朝宗之願犬馬無識猶知戀主之誠揣分則然惟天

知鑒况臣昔因左官

漢書仕諸侯為左官

一紀于外子牟馳心

於魏闕

莊子中山 公子牟

汲黯積思於漢庭豈非夫人獨無

斯戀去就者榮辱之主朝廷者仕進之源臣子之宜

忠貞所志臣雖心同犬馬而分比潢汚幸躡康衢意

非往蹇臣之此誠口不能喻意欲悉達文非盡言此

臣所以自咎自恨復乖志願猶冀苦心勵節上奉詔

條惠寡郵貧下除人瘼恭宣皇化少荅鴻私不勝惶

柳文

三十八卷

十三

欣之至

慌音荒博 雅曰忘也

代廣南節使使舉裴中丞自代表

或云當作桂中丞 恐非子厚所作

前件官噐宇深沉天才間出爰從撫字逮於察廉所

職恪勤庶務皆勸日者安南夷獠反叛害其連帥

十四年安南賊陽清陷都護府殺都護李象古及妻子官屬部曲千餘

毒痛黎人

痛音吳切

某皇帝以其威惠茂著自某州刺度俾之撫臨

是月憲宗

以唐州刺史桂仲武為安南都護

夙夜經行盡除兵器賊徒識恩黨

種歸義

仲武至安南遣人說其首豪數月間降者相繼

炎荒之俗靡不底寧

後改鎮容州

穆宗長慶二年以仲武為容管經畧使

勲効彌顯澄清庶

類邁德前修深負能名合遷重鎮臣自惟凡懦不逮  
前人伏乞天恩廻授某非惟旌德是亦節能庶微臣  
免尸祿之憂某獲無私之舉

奏薦從事表

某績茂戎軒才優管記操刀必割豈謝剗犀

剗音交之轉二

切截也

落筆不休寧慙倚馬

世說桓宣武北征袁虎從行時被責免會草露

布與袁倚馬前令作手不輟筆俄得七紙殊可觀

况早登科選夙洽時譚匪

惟詞藝雙美抑亦器能多適比於流輩頗為滯淹輒  
敢薦陳伏希獎錄

代廣南節使謝出鎮表

元和四年鄭綱罷相五年出鎮

柳文

三十八卷

十四

鴻濡曲臨惶駭交集捧對綸綍不知所圖臣

中臣聞

蕭曹佐漢六合為家冀望匡周萬方同軌臣幸以芻

賤累忝殊榮天德荐臨遂加台政不能翊宣明聖瓊

日月之光俾兇渠勦絕

勦子小切

人用康寧寔由臣不稱

職使此艱患伐檀興議負乘招譏常懷覆餗之虞

餗音錄

敢望專征之寄獻俘未遠展効有期希此微功上

荅殊造無任

二云云

為楊湖南謝設表

貞元十八年楊憑

臣某言中使某乙至奉宣聖旨賜臣長樂驛設者恩  
榮特殊宴飲斯及顧茲厚禮猥集微躬臣某誠歡誠



慶頓首頓首臣以多幸屬此昌時任重方隅職忝文

武其受素餐之刺知無肉食之謀左傳莊公十年曹

能遠以憂以惶寢寐無措豈謂鴻恩繼至豐膳爰來劇曰肉食者鄙未

陸海兼陳飴醴皆設節一作酒庶當奉揚聖澤單布遠人

流愷樂於皇風均乳哺於赤子少陳微効上荅殊私

無任感恩欣躍之至

為武中丞謝賜櫻桃表 武元衡

臣某言中使某乙至奉宣聖旨賜臣櫻桃若干者天

懸特深時珍游降寵驚里巷恩溢圓方圓方謂臣某

誠喜誠懼頓首頓首伏以含桃之羞時令攸貴月令仲夏

柳文 三十八卷 十五

蓋以况今採因御苑分自天厨使發九霄集繁星而

積耀味調六氣承湛露而不晞盈皆而外被恩光皆疾

智才請二切月雖也適口而中含渥澤顧慙素食彌切自公豈

圖君子所先遂猷小人之腹左傳昭公二十八年願以小人之腹為君子之

心屬厭而已無任 云云

謝賜時服表 代人作

祗荷寵私啓處無地臣中臣久忝朝行歷職無效在

苒星紀偷榮歲時不能少益聖猷以副深寄致使職

遺君父後漢耿牟云艱難未息合處嚴憲以正國章伏以

陛下恢天覆之恩廣地載之厚不循彝典俾同冕紱

重劇丘山捧戴以入閨門空知夕惕裁縫而爲衣服  
固可晝行內省疲駑將何谷效

謝賜端午綾帛衣服表

綸言出臨寵服荐至跪奉殊錫慶躍交并臣

中

謝臣謬

典方州效微涓滴叨承大貺榮重丘山非才忝恩俯  
伏慙荷朱明啓節御府賜衣沐聖澤而溟海方深被  
仙衣而鶴龜齊壽馳心向闕踟影望天慙分五領之  
憂莫副九重之詔臣無任

云云

柳文

三十八卷

十六

12157

唐柳先生集卷之三十八



